



Nqe 3 - Txoj hauv kev txais kev saib xyuas

Cov ntawv xa

Koj tus PCP los sis lwm tus kws kho mob tshwj xeeb yuav ua ib daim ntawv xa koj mus ntsib tus kws kho mob tshwj xeeb nyob rau lub sijhawm uas teev tseg nyob hauv nqe "Mus saib xyuas raws sijhawm" ntawm phau ntawv no, yog koj xav tau ib qho. Ib tus kws kho mob tshwj xeeb yog ib tus kws kho mob uas muaj kev kawm ntxiv txog yam ib mob los sis kev kho ntawd. Koj tus PCP yuav ua hauj lwm nrog koj los xaiv ib tus kws tshwj xeeb. Koj tus PCP qhov chaw ua hauj lwm mam pab teem caij sib ntsib rau koj mus ntsib tus kws kho mob tshwj xeeb.

Lwm cov kev pab cuam uas yuav siv daim ntawv xa muaj nrog txheej txheem phais mob hauv chaw ua hauj lwm, thaj duab hluav taws xob, chav kuaj kab mob thiab lwm cov kev pab cuam tau muab los ntawm cov kws kho mob tsis koom hauv nev vawj los sis tsis muaj ntawv cog lus ua ke.

Koj tus PCP yuav muab ib daim foos rau koj nqa mus rau tus kws kho mob tshwj xeeb. Tus kws tshwj xeeb yuav sau kom tiav daim foos thiab xa rov qab rau koj tus PCP. Tus kws kho mob tshwj xeeb yuav kho koj kom ntev li ntev tau raws li tus txiv neej los sis tus poj niam ntawd xav tias koj tsim nyog kho.

Yog tias koj muaj ib yam mob uas xav tau kev saib xyuas kho mus ntev, koj yuav tau ua daim ntawv xa mus kho. Qhov no txhais tau tias koj mus cuag tus kws kho mob tshwj xeeb ntau tshaj ib zaug yam tsis tas kom koj tus kws kho mob xa koj mus cuag txhua zaus.

Yog tias koj muaj teeb meem txog kev tau txais daim ntawv xa los sis xav theej ib daim ntawm Aetna Better Health of California txoj cai ua ntawv xa, hu 1-855-772-9076 (TTY los sis 711).

Koj tsis tas siv ib daim ntawv xa rau:

- Kev mus ntsib PCP
- Obstetrics/Gynecology (OB/GYN) Kev mus ntsib
- Cov kev mus saib txhawm rau kev saib xyuas mob xwm txheej ceev los sis mob maj rawm.
- Cov kev pab cuam ua tib zoo pab cuam rau neeg laus, xws kev saib xyuas qhov quab yuam deev
- Cov kev pab cuam tawm phiaj xwm rau yim neeg txog kev muaj me nyuam (los kawm paub ntxiv, hu Lub Chaw Ua Hauj Lwm ntsig txog Ntaub Ntawv Qhia Kev Tawm Phiaj Xwm Rau Tsev Neeg Txog Kev Muaj Me Nyuam thiab Pab Cuam Ua Ntawv Xa ntawm 1-800-942-1054)

- Kev kuaj HIV thiab kev sab laj (12 xyoos rov sauv)
- Kev sib deev kis kab mob cov kev pab cuam (12 xyoo los sis tshaj saud)
- Cov kev pab cuam zuaj tu txha nqaj qaum (kev xa mus yuav xav tau thaum muab los ntawm FQHCs, RHCs thiab IHCPs sab nraud)
- Kev ntsuam xyuas kev noj qab haus huv fab siab ntsws xub thawj

Cov menyuam yaus kuj tuaj yeem paub meej cov kev pab cuam kev noj qab haus huv fab puas siab puas ntsws rau neeg mob sab nraud, cov kev pab cuam ua tib zoo pab cuam and kev pab rau cov quav yeeb quav tshuaj tsis muaj niam txiv kev tso cai. Yog xav paub ntxiv nyeem “Cov kev pab cuam pom zoo siv rau me nyuam hluas” thiab “Cov kev pab cuam kho kev quav yeeb quav tshuaj” nyob rau hauv phau ntawv no.

California Tsab Cai Kev Muaj Cai Sib Luag Txog Ua Ntawv Xa Mus

Kho Mob Khees Xaws (Cancer Equity Act Referrals)

Kev kho tau zoo ntawm kev kho mob khees xaws kho nyuaj nce raws qhov ntau feem xyuam suav nrog kev paub txog qhov mob tseeb thiab tau txais kev kho raws sij hawm los ntawm cov kws kho tshwj xeeb rau khees xaws.

Yog koj kuaj paub tias mob hom mob khees xaws kho nyuaj, lub California Tsab Cai Kev Muaj Cai Sib Luag Txog Ua Ntawv Xa Mus Kho Mob Khees Xaws yuav kam rau koj los thov rau daim ntawv xa mus kho los ntawm koj tus kws kho mob kom tau txais kev kho tshwj xeeb raumob khees xaws los ntawm tus kws kho mob hauv nev vawj Koom Haum Kho Mob Khees Xaws Thoob Teb Chaws (National Cancer Institute, NCI)-lub chaw kho mob khees xaws stau npaj tseg, NCI Lub Khoos Kas Ntsuam Xyuas Kho Mob Hauv Zos (NCI Community Oncology Research Program, NCORP)-qhov chaw sib koom tes ua ke, los sis lub chaw tshawb fawb txog mob khees xaws ua txawj tsim nyog.

Yog tias Aetna Better Health of California tsis muaj tus kws kho mob hauv nev vawj NCI-lub chaw kho mob khees xaws npaj tseg, Aetna Better Health of California yuav kam koj mus thov tau daim ntawv xa mus kho mob khees xaws los ntawm ib ntawm cov chaw no uas tsis nyob hauv nev vawj nyob hauv California, yog ib ntawm cov chaw tsis nyob hauv nev vawj thiab Aetna Better Health of California pom zoo them, tshwj tsis yog koj xaiv mus ntsib lwm tus kws kho mob khees xaws uas sib txawv.

Yog koj kuaj paub tias mob khees xaws lawm, txuas lus rau Aetna Better Health of California saib seb koj puas muaj cai rau cov kev pab cuam los ntawm ib ntawm cov chaw kho no.

Nqe 4 - Cov txiaj ntsig nyiaj pab thiab cov kev pab cuam

Cov txiaj ntsig nyiaj pab Medi-Cal raug pab them los ntawm Aetna Better Health of California

Cov kev pab cuam tus neeg mob sab nrauv (cov neeg mob tsis pw hauv tsev kho mob)

Cov kev ntsuam xyuas kev noj qab haus huv ntawm cim xeeb

Aetna Better Health of California pab them rau kev ntsuam xyuas cim xeeb ib xyoos ib lwm rau cov tswv cuab hnuv nyoog 65 xyoos rov sauv, thiab tsis li ces yuav tsis muaj cai rau qhov zoo sib thooj ntawm kev ntsuam xyuas tam li yog ib feem ntawm kev ntsuam xyuas kev noj qab nyob zoo nyob rau hauv Khoos Kas Medicare. Kev ntsuam xyuas cim xeeb saib rau cov yam ntxwv ntawm kab mob rau lub Hlwb (Alzheimer) los sis ua rau cim xeeb tsis zoo.